



“Akoa bi yεε bɔne na ɔkaa sε: O Onyankopɔn, fa me bɔne kyε me

Yε nya Hadis yi firi Abu Hurairata-Nyame peninee nka no nkyen Ɔkɔmhyeni no, Nyankopɔn nhyira ne asomdwoe nka no, kaeε, firii n’Awurade ho, Ade Nyinaa so Tumfoɔ na Anuonyam wɔ No, sε Ɔkaa sε: “Akoa bi yεε bɔne na ɔkaa sε: O Onyankopɔn, fa me bɔne kyε me. Na Onyankopɔn, Nhyira ne No, Ɔsorosoroni no kaa sε: M’akoa yεε bɔne na wahunu sε ɔwɔ Awurade a Ɔde bɔne kyε na Ɔtumi nso twe aso wɔ bɔne ho. Afei ɔyεε bɔne bio na kaa sε: O Awurade, fa me bɔne kyε me. Na Onyankopɔn, Nhyira ne No, Ɔsorosoroni no kaa sε: M’akoa yεε bɔne, na wahunu sε ɔwɔ Awurade a Ɔde bɔne kyε na Ɔtumi nso twe aso wɔ bɔne ho. Afei ɔyεε bɔne bio na ɔkaa sε: ‘O Awurade, fa me bɔne kyε me.’ Na Nyankopɔn, Nhyira ne No, Ɔsorosoroni no kaa sε: ‘M’akoa yεε bɔne, na ɔnim sε ɔwɔ Awurade bi a Ɔde bɔne kyε na Ɔtumi nso twe aso wɔ bɔne ho. Yε nea wopε biara, na Mede akyε wo.

[صحيح] [متفق عليه]

Ɔkɔmhyeni Allah nhyira ne n’asomdwoeε nka no reka kyerε yen firi n’awurade nkyen sε: sε akoa bi yε bɔne na afei ɔka sε: Oh Onyankopɔn fa me bɔne kyε me a, Allah Okokuroko no ka sε: m’akoa ayε bɔne, εna wahunu sε ɔwɔ Owura bi a Ɔde bɔne kyε, na Wakata no nkyom na wabu n’ani agu so, anaase watwe n’aso wɔ ho, na Me de akyε no. Afei akoa no yεε bɔne bio na ɔkaa sε: O Awurade, fa me bɔne kyε me. Na Onyankopɔn kaa sε: M’akoa yεε bɔne na wahunu sε ɔwɔ Awurade a Ɔde bɔne kyε, na Ɔkata so na Ɔbu N’ani gu so, anaa Ɔtwe aso wɔ ho. Mede akyε M’akoa. Afei akoa no yεε bɔne bio na ɔkaa sε: O Awurade, fa me bɔne kyε me. Na Nyankopɔn kaa sε: M’akoa no yεε bɔne na wahunu sε ɔwɔ Awurade bi a Ɔde bɔne kyε, na Ɔkata so na Ɔbu N’ani gu so, anaase Ɔtwe aso wɔ ho. Mede akyε M’akoa, enti ma ɔnye nea ɔpε biara, abere biara a ɔbεyε bɔne no, ɔgyae bɔne no, na ɔnu ne ho, na ɔsi gyinaeε sε ɔrensan nkɔ mu bio, nanso ne kra di no so nkonim na ɔhwe bɔne no mu bio. Berε biara a ɔbεkɔ so ayε bɔne na wasakra no, Mede bεkyε no, efiri sε adwensakra pepa nea εdii n’anim kan no.

النجاة الخيرية
ALNAJAT CHARITY

